

Un züedem bisch uf jedefall  
Noch lang als nitt so nöthig gsi  
In alle Lit, wie ich's gsi bi,  
Wer Fir un Liecht hat mache welle,  
Dà hat mich brücht als allemol . . .

Dü brüchsch dich sicher nitt so z'stelle,  
Rieft d'Scheere-n-üs, me kennt dich wohl!  
's Fir, das hasch g'macht scho nitt so rasch,  
Un 's Liecht, wo dü so z'weg brocht hasch,  
Wenn's d'Lit hän welle-n-als benutze,  
Ha-n-ich ihm miesse d'Nase putze,  
Un das e jeder Aügeblick,  
De kasch doch 's Gegetheil nitt sage.  
Doch leider nutzt's nit züem Unglick,  
Das dispetiere-n-un das Klage,  
Mit uns isch's üs un nit meh dra.  
Wenn nieme-n-eim meh brüche ka,  
So isch me feil um alle Prise,  
Me lüegt eim nimmig a derno  
Un wirft eim unter's alte-n-Ise,  
Das isch vo jeher gsi-n-eso.

~~~~~  
**Ne G'spräch im Jahr 2084.**

Verle:

Verzähl mr doch vo alte Zite!  
Wotts, Vater, 's isch so intressant,  
Z'ruckz'riefe Johre scho, so wite,  
Mit G'schichte-n-iwer Lit un Land!

Veri:

Ja, Verle, sunderbare Dinge  
Verzählt eim d'G'schichte, das isch wohr,  
Me brücht grad nitt so wit z'ruckspringe,

So kunnt scho possig Dings als vor.  
Schaü nur züem Bispiel jetz 's-Johrhundert  
's ninzehnte, 's isch kei Länge grad,  
Noch dert hat's Lit g'ha, was eim wundert,  
Unwissend jo im höchste Grad!  
Me hat dert noch g'sàh umerenne,  
Wo nie, ihr ganzes Lewe lang,  
Hàn schriwe-n-oder lese kånne  
Un o g'spirt hän derzüe kei Drang!  
Un iwerhaupt noch halwer Wilde  
Sin sàllemol gsi gar viel Lit.  
De kasch dir's jetz no dem ibilde:  
Eüropa isch züe sàller Zit  
Nitt gsi, wie's jetz isch, ei Staat numme,  
's hat drin e Menge Ländle g'ha,  
Wo im e jede d'Lit, die dumme,  
Glaübt hän, sie seige vorne dra,  
Sie seige besser as wie Alle,  
Sin drum uf ihr' Nation stolz gsi  
Un sin als iwerinander g'falle  
Dur das, wie d'Wilde grad mithi,  
Fir gegesitig sich z'vernichte! . . .

Verle:

Isch's möglich, ass dr Mensch emol  
So Dings hat kånne do verrichte?  
Wenn doch e Jeder weisst gar wohl,  
Ass er jo iwerall do unte  
Dr Gliche-n-isch uf sim Planet,  
Wo er druf lebt nur wenig Stunde  
Un nochher wieder witers geht! . . .

Veri:

Was witt halt jetz, züe sàlle Zite .  
Hàn d'Lit das alles nitt ig'sàh,  
's hän alle g'meint, 's müess si, das Strite,  
's hätt ein im andre Gift als gà.